

韓館唱和

和書門類	二六九五二號	七函	五架	七册
------	--------	----	----	----

658

和書類	二六九五二號	七册	五架	七函
-----	--------	----	----	----

(一)

内閣文庫	
番號	和 26952
冊數	7 (1)
函號	178 658

178-658



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19





© Kodak, 2007 TM: Kodak



綴じ部(喉部分)の文字など開きが不鮮明な箇所あり

韓館唱和序

淺草文庫




韓使之聘我邦也尚矣寬永
以來余家典

國辭命且接遇三使及製表述官

三書記是亦例也今茲二月至

三月唱和筆語不少矣乃編輯

以藏於家也蓋此編雖不切精



深至然於陳彼我之情頗鳴
國家之盛則未必無可觀者是
為序
寶曆甲申暮春下浣

國子祭酒林信言子恭識

韓館唱和後序

寶曆十四年甲申二月朝

鮮國王李昉賀我

大君之新政正使通政大

夫吏曹叅議知製教趙曦

副使通訓大夫行弘文館

典翰知製教兼經筵侍讀

官春秋館編修友李仁培
從事官通訓大夫行弘文
敍校理知製教兼經筵侍
讀友春秋敍記注官金相
翊等三百餘人奉幣物而
行禮可謂善鄰矣賜宴則
帳幃清新金玉甚設就舍
則敍伴饌饗山海悉足矣
我輩亦心例願之公務
之暇卦名敍與三官使接
話又與孝士誥城太守南
玉書記汜淡索訪本大中
長興庫奉事元仲舉成均
進士坐仁謙苦唱歎終日

繼以燭筆舌罄歡未嘗借
 家昏言乃能見志乎詩賦
 寓思乎文書作所謂文世
 之一大快事也且父子蒙
 命使寫字友臨淄僉使
 洪聖源上護軍李彥祐等
 畫字又命畫負文城僉
 使望者奔船物亦璞若化
 畫時禁它人入席印士人
 花山子軍友板達源共來
 請筆話予謂造人不可束
 以文法昂引占其乾坐彼
 輩大詔取畫史之筆繼復
 循環如乘具者約他日去

矣三月三日密
叔与上三官三人筆話當
以时三友使遣小臺教人
贈上已佐饌自有聘使以
来未嘗有之予公去意可
去也使在歸國之後集其
文臺筆話記之名曰韓餞
唱和因叙其大略云尔

寶曆甲申三月

朝散大夫秘書監兼經
筵講友林信墨子節識

韓館唱和卷之一

國子祭酒林信言藏書

寶曆十四年甲申二月廿五日大學

頭林信言圖書頭林信愛赴淺草本

願寺初見三官使筆語後寄詩先是

廿二日與南學士成察訪元奉事金

進士等贈酬教章

大學頭

名利

僕姓林名信言字士雅一字子恭號
鳳谷別號松風亭林羅山之玄孫弘
文學士鷲峯之曾孫國子祭酒信篤
之孫而父即國子祭酒信充也以辛
丑年生世掌國史今叨朝散大夫國
子祭酒戊辰之年接貴國聘使登
時稱秘書監者我也今與諸公周旋
復逢此盛際何幸如之

圖書頭

名刺

僕姓林名信愛字子節號龍潭別號
此君亭林羅山之六世孫弘文學士
鷲峯之玄孫國子祭酒信篤之曾孫
國子祭酒信充之孫而今祭酒信言
其之適子也以申子年生庚辰舉經筵
講官壬午之冬忝蒙爵命叙朝散
大夫任秘書監今歲二十一初接

貴國信使逢盛世儀典何幸加焉

與三使筆語

祭酒

某高祖羅山國初起家職在文書

爾來鷲峰鳳岡快堂父子世相續

貴國聘使至則必兼警咳蒙其不

棄某何人斯緝其遺緒亦比前任男

信愛已幹家豈別有名刺公等須知

正使

自尊高祖羅山公至足下五世

連掌國史業已播聞於隣國前後

信使之行輒多稱道今接清儀可

驗其世濟其美既蒙枉問又荷

書示多謝眷意僕自以不才猥膺上

攸間關道路敢言其勞得達貴都

公私為幸

副使

僕忝以副攸來姓名想已俯悉茲不

贅告而曾於先輩槎錄中稔挹羅

山鷲峰以後奕世華閥今日幸接
清範得續西國舊好又見蘭玉在
傍不任欣聳

從事官

弊邦人之未使貴國者必稱林
氏世掌文衡聲譽克著今幸合席
親蘭玉之美實慙稚願僕年四十
四今行以從夏未矣

祭酒

戊辰之聘得接見澹窩竹裡蘭谷三
公所惠產物所賜和章韞櫃珍藏時
：展玩如見其人敢問三公安寧否
正使澹窩蘭谷尚今無恙南竹裏昨
年已捐館矣

正使

奉玩瓊什不任欽歡客俟使夏之
完竣日當和呈
副使瓊什之投尤荷
縉春之盛意奉玩
不已而顧今使命未竣義難唱酬

當於歸時奉和兵

從事官

既屈高駕又投瓊韻感荷良深

固欲即席攀和而使事未竣義難唱

酬姑俟日後幸甚

公

萬里之遠

經年之久

勞憊

稟 三公萬里之遠經年之久勞憊

秘書

何限伏視雍容閑雅丰姿英蕪所謂

錯身於波流不敢用私者歟謹賀

得蒙正使尊大人枉顧又荷足下之

踴後感戴良深僕木疎任重未暇以

道路為愁

曾在弊邦已聞高門奕世之盛而

副使

妙年鳳池之選尤不勝聳賀之至

荷此鄭重之顧感幸實深

秘書

過辱推獎愧謝

從事官

僕之姓名想亦聞知茲不復贅而

今年為四十四庚午登進己卯文科

今行以從事官未與獲接清範深

幸

學士三書記名刺

僕姓南名玉字時韞號秋月亭宣寧

人也今以製述官隨聘使來壬寅生

癸酉獻賦殿庭登丙科曾任結城太

守今叨槐院校檢之職

昌僕姓成名大中字士執號龍淵富寧

人壬子生癸酉司馬丙子對策登第

曾經銀溪督郵今以正使書記未

僕姓元名重舉字子木號玄川以副
使書記來生于己亥今年四十有六
庚午司馬筮仕任長興郎曾因戊辰
諸文士之言獲聞高名多矣何幸今
日得奉芝宇
僕姓金名仁謙字士安號退石以成
均進士今為從事書記而來幸挹清
芬欣幸曷極

與學士三書記筆語

祭酒

某高祖羅山國初奉職已往鷲峯
鳳岡快堂續家業掌國史以至其
歷事十世今幸蒙恩命逢盛際
且喜雅席竒遇贈酬諸君實天借使
也何幸如之
南玉羅山公文章懿蹟俱載通槎錄中至
今赫然在人耳目繼以鳳岡快堂

咸趾厥美世掌鳳詒弊邦行人之末
輒有萍水之歎不佞輩飫聞久矣足
下又於戊辰之筵從先大夫隅坐而
叙賓禮每因澹窩洪公及詞客諸君
得足下之儀采今幸獲荷臨顧又有
賢胤陪左貴門實與弊邦人士有累
世之好欣聳之極真如宿昔

全仁謙
僕年五十有八矣飽聞德門世掌絲綸

文章經學冠冕日下業欲一承警欬
奈重溟萬里未由遂意今幸附驥而
未得接座下古人所謂見面勝於聞
名榮幸極矣
成大中
僕家世有隨槎之行曾於先從曾祖
翠虛公先從祖嘯軒公東槎集中厭
飫尊世德久矣今日獲親盛儀慰幸
何極

祭酒

昔聞翠虛嘯軒與僕祖先有傾蓋之
舊足下已是其屬今又得奉清儀實
是通家之好天假緣不苟也欣喜殊
深
既蒙光賁仍惠瓊韻感喜交摯况詞
致清遠陳義甚高一歎一愧不知攸
謝亟欲席上拚和而恐妨雅語以孤
勤臨之意萬里論交共日可惜酬詩

南玉等

之礼猶輕而勝讀之詔為重徐步来

韵先罄一歡未知以為如何

祭酒 祕書

猥奉燕詞嘉獎過當慚汗 小詩

唱酬何妨佳話如不慳瓊瑤之報一

投為幸

南玉

謹領盛意

成太中

累世之好在一國猶難况異域之人

乎僕家與高門誠非少因緣也惠詩

辭意鄭重句法清圓真得風雅酬和
之義甚盛奈酒敢不步和仰塞盛教
此張子房像及富峰画伏請加贊語
梅花画幅已有朴君所題贊今又加
贊辭多幸奈酒
會津侯芝濱別業有称朝陽閣者園
中有十二景敢請其記見諾當呈其
圖也

南玉見索画贊及閣記重孤勤命謹擬強
拙圖本投示則當乘間周旋耳
奈酒画贊閣記即此見允感甚
三枚今呈閣圖明日托朝岡某送致
南玉曾聞門下士多至六七十濟、有樂
育之盛今在門者幾人秘書之外蘭
玉又有幾何
奈酒今及門者七八十人仕在于諸侯國

者難枚舉矣息男信愛一人而已

祭酒

戊辰之會矩軒朴君及濟菴醉雪海

阜三記室接遇教回唱和不少加之

留別教章至今吟誦不措今日幸又

與諸彥周旋不知前度四君安否如

何

南玉

朴矩軒今作僕前經之結城太守濟

菴其後經督郵太守醉雪經督郵今

老矣海阜其後登第今任保寧太守

並幸無恙此四君皆盛道足下萃名

僕輩亦稔聞之耳

秘書

我邦有海松者葉生五鬣其子與貴

邦栢子同蓋同物也栢子葉形狀如

何大人

元重

弊邦栢子葉或五粒或三四粒有穗

有實東海邊有松五粒山僧輩指此

謂服葉輕身之物亦未知信否但松
實細栢實大恐非一物三白
南玉三大人與足下相接自是舊例僕輩
今日之會宜在其後而正使大人適
有調候姑未可迎接日間若差復當
有以仰報其時僕等亦可以再望清
範

祭酒祕書

正使趙公微恙不日當愈此承僕輩

見三官使之日君等亦陪其座相接

清儀較於前例則加一幸金仁諫

僕有河魚之疾久坐風軒宿疾信視

日已暮矣更俟異重接芝字請退

祭酒祕書

謹領異日又未從容罄歡

南玉等

僕輩隨三大人東來舍綸出都已閱

七箇月而歲又易矣家國之思固已

難抑而復命之簪遲尤切惶悶真

是度日如年足下堂國辭命倘能
諒此渴急之狀俾得過嶽回程則何
幸如之不知何日可得西歸幸詳示
其期仍許周旋以為速祭之地深所
祈望
祭酒時易裘葛路阻山海諸君容懷無聊
既已極知矣抑使聘之矣壹是執政
之任非僕輩所與知也

南王

固知為執政之任而至於
書則足下任也亦豈無周旋於執政
之道乎幸另念極圖之

祭酒

草創國辭命僕固其任也至
答日期是執政之所議僕實不知矣
既承盛教僕輩力之所及豈敢不盡
祭酒 祕書今日之會實于歲奇遇宜卜夜以續
歡也以官吏紛擾日已薄暮敢此

告辭異日又當未罄餘懷

南玉等

盛名久已雷灌今日幸得萍會且欣

且荷只恨此日之短跡阻門外無緣

躬謝軒屏倘蒙再顧則可續未了之

惟惟是企仰覽此後仍下示賢胤公

如何

祭酒書記松本為美

使者至也曾渴望于四賢今以

林祭酒書記得承于芝眉為榮

誠夥僕姓松本名為美字子由

號西湖陸奧人林祭酒門人會

津炭儒臣

秘書書記久保泰亨

寒暄時易山海路阻天佑西邦

舟車無恙各位勤止清寧敢賀

嚮聞信使之東也伏承高風日

切景念今撰林秘書書記幸得

接雅範鳳觀之願茲遂欣躍曷

任僕姓久保名泰亨字仲通號
忠齋讚岐人林祭酒門人教育
在昌平國學南玉等風聞祭酒門下多名士今幸接
林公父子仍得奉二君清範慰
幸良深僕輩名字已告林公茲
不贅及

蒙二君南玉既無官事之紛冗如再再

訪于館次則可續餘歡恨坐遠
未罄懷聊此奉問

二書記蒙此盛意感荷：：再晤之期

為美以明日泰亨則當以後二
日來維我二人有此未了之緣
天幸為多

任侯廷人保身... 益齋詩岐人... 疾卒... 日... 漢... 趙... 公... 國... 正... 使... 通... 政... 大... 夫... 濟... 谷... 趙... 公... 國... 子... 祭... 酒... 林... 信... 言... 奉... 書... 官... 使... 有... 餘... 榮... 交... 際... 方... 今... 聘... 禮... 成... 韓... 國... 文... 華... 千... 載... 盛... 日... 東... 武... 備... 十... 朝... 明... 曾... 知... 漢... 代... 衣... 冠... 美... 已... 聽... 唐... 家... 劍... 珮... 聲... 玉... 帛... 應... 稱... 兩... 邦... 厚... 宏... 才... 偉... 氣... 發... 高... 名... 謹... 贈... 朝... 鮮... 國... 副... 使... 通... 訓... 大... 夫... 迴... 溪...

謹贈朝鮮國正使通政大夫濟谷趙公國子祭酒林信言奉書官使有餘榮交際方今聘禮成韓國文華千載盛日東武備十朝明曾知漢代衣冠美已聽唐家劍珮聲玉帛應稱兩邦厚宏才偉氣發高名謹贈朝鮮國副使通訓大夫迴溪

李公諱韓國偏封正階大夫

王島惠臨兩特自去古對林信言

使旆方今凌海波賓筵更賦鹿鳴歌

已慚桑城豪雄少曾識箕邦俊傑多

岐島月明輝玉節廣陵潮勢逐星槎

休言萬里雲山苦全盛禮成心似何

謹贈朝鮮國從事官通訓大夫弦

卷金公

林信言

使車不失舊時風講信交情豈可空

齊仰韓邦文物美今稱日域武威隆

已看滌水城中傑曾發春秋館裡功

千載接歡修聘禮儀容制度至無窮

三月十日夜三使和篇自淺州本

備願寺至乃記之于左

奉和林祭酒韻

奉和
林祭酒
通信正使趙曦



蘭臺掌史早稱榮
鳳沼波瀾更老成
奕世簪纓天閣貴
大家文采日邦明
皇華筵上常傳好
寶樹庭前久繼聲
三百周詩曾未誦
筆床多愧使乎名
奉和林祭酒韻
通信副使李仁培

春水溶溶起夕波
東風綠草動驪歌

沼光耀日魚吹細
花氣薰人燕語多
五世文儒推左海
百年華藻記東槎
浮萍一合離筵接
撩動新愁奈雁何

謹次林祭酒韻

通信從事金相翔

久識高名喜接風
將雛一鳳下晴空
孤山梅鶴家聲遠
汾水詩書世業隆
笙瑟初筵花雨內
衣裳舊會海雲中

微才猥忝乘槎役經歲桑河路始窮

謝北林題第樓遠亦不遠書世業到

以揚高心喜臨風淋淋一圓可斷空

望事道上帝博通對以是金珠珠

三齋亦林榮祿館事床身德律中

新新一合新造社社廣修然奈和何

止世文漸非去武百年華藻時表社

可火歐日魚知時亦原黃人燕語

奉寄朝鮮國正使通政大夫濟谷

正趙公閣下三首

皇華一曲曲入海雙 秘書監林信愛

長雲漠：海門通箕子流風今古同

地接中州多雋士天連員嶠似仙宮

周時典籍文無恙漢代衣冠名不空

喜是山河千里外兩情相和興何窮

奉天

華蓋如林出大韓旌閃日下五雲端
腰間劍氣天邊動賦裡明珠掌上寒
歸馬但愁風瑟瑟乘槎豈厭水漫漫
詞場相遇交情厚萬里何論行路難
皇華一曲入新題使者東來道不迷
玉帛天遙懸日月朱旗風繞動虹霓
欲知西國隣交厚賴是千年教化齊

吏部官名傳美譽文章今豈愧昌黎

奉寄朝鮮國副使通訓大夫迴溪

李公閣下三首

林信愛

萬里扶桑日出天樓船遙下海東邊
翩仙氣占雲動爛國華臨座懸
猷紵杼情懷李子乘槎奉使擬張騫
遺風尚識千年事記得周書洪範篇

軒車擁節氣愈豪無道山河跋涉勞
雄劍千年輝北斗斯文萬古在東曹
猶傳制度周家舊共識詞才漢代高
曾聽腰間誇西綬今看殊有鳳皇毛

又

傾蓋風流如舊未况依並榻見雄才
尊官元識威儀盛文雄相推上國材

彩毫更假雲煙起佳句應隨月影開
請君欲問心交切乘興不關鐘漏催
奉寄朝鮮國從事官通訓大夫弦

菴金公閣下三首

林信愛

大使朝辭滌水濱錦帆暮至海東津
驛中征馬誰相問館裡清茶此共親
談話忽歡同志者心交豈恨異鄉人

二邦猶見文章盛
校理能為自有神
欲識揮毫凌海嶠
春秋館裡業風飄
乘軺遠下三韓通
列艦遙浮萬里潮
身上功名推博望
心中英氣擬嫫媯
雄才為有經綸思
忽訝鳳皇降紫霄
又
別來萬里海天長
空憶佳人水一方

金氏千秋冠帶盛
令公三日席邊香
去舟風送江陵路
歸使星搖河漢章
邂逅暫時分
午後春雲幾處照
行裝
三月十日夜
三使和篇自淺州
本願寺至乃記之于左
才奉和林秘書韻
通信正使趙曦
潘岳家風舊好通
鳳雛新曲鹿歌同

宮傳經世掌芸香閣聞禮晨趨國子官
出谷禽聲毫舌合繞園花影篆烟空
不才愧忝衆槎從祇幸扶桑壯觀窮

謹次林秘書韻

通信副使李仁培

奕世英聲南斗天
妙年詞藻鳳池邊
驂騑九陌高雲步
魚蠹三更短燭懸
浸海波濤方浩蕩
排風羽翮欲騰騫

寰中一面隨緣得
嘉樹情深小雅篇

謹次林秘書韻

從事官金相翊

鵬程萬里水雲長
玉節悠々自北方
鰲背山河煙月好
林門喬梓姓名香
十年桑域修盟信
六世芸臺典故章
來日江城分手去
芙蓉峰色滿歸裝

古傳經術學... 東馬會... 十平... 蒼... 調... 雲... 斗... 國... 一... 南... 國... 子... 祭... 酒... 林... 信... 言...

贈朝鮮國製述官秋月南君

韓國名公到日東
相逢唱和興何空
能修隨月競辰業
即作囊螢映雪功
賦就章本超絕吟
來句最豪雄
今年何幸得佳會
遠大無窮學士風
席上奉酬祭酒鳳
谷林公

南玉

西湖家世冠天東
絳帳高開席不空
詩禮鯉庭承奕業
文章鳳沼繼前功
芹宮鞞印今榮典
祿閣編書古向雄
歌鹿筵中如宿好
山河不隔馬牛風
再和前韻奉寄製
速官學士南君
昔年曾識螢窓苦
今日偏緝虎觀功

林信言

八斗陳王知敏捷
百篇李氏共英雄
騷筵詩就揮珠玉
又見開元天寶風

再和奉林鳳谷詞案南玉

奎壁星輝耀海東
初筵春敞佛樓空
詩書璧水培莪術
辭命鑿坡視艸功
鄭老門前步雋秀
馬監庭下盛才雄
聘百年盟聘皇華
席重見箕裘不盡風

贈察訪成君

書記高名發四方知君彩筆倚筵香
高吟遊意月花宴美譽成功翰墨場
騷雅驚心如錦綉琢磨駭目似冰霜
相逢此日委佳興別後交情不可忘

席上奉酬祭酒鳳谷林公

成大中

雅道清譽振一方麤衣長濕鳳池香
馬班史學曾傳世燕許詞華早壇場

歌鹿筵中携玉雪問槎編裡閱星霜
論交不以山河異咫尺骸已兩忘
再和一章呈成察訪林信言
曾識聲名動萬方翩書記筆花香
雄吟可賞玉楊苑珍玩無窮李杜場
已感篇輝月露今看字挾風霜
壯遊自是饒行卷唱和詩章何日忘

疊和鳳谷祭酒

成大中

僑羊交契便無方
風雅相將翰墨香
海國晴雲聯儼席
佛樓斜日闡詩場
眉山門學傳蘭玉
博望仙槎過雪霜
三世西家酬唱在
角弓遺意詎能忘
贈奉事元君
林信言

翩翾遠出金山濱
桑域方期箕國賓
作賦紙中觀志氣
飛珠筆下顯精神
芝蘭香發篇：逸
錦綉詩成句：新

何幸今逢騷雅客
高吟此日唱酬頻

和祭酒鳳谷林公
元重舉

生居滄海北南濱
一席相看忽主賓
天外山河開氣色
一堂文藻會精神
絲綸赫々金華舊
風彩盈々玉樹新
共指庭前花未落
同人永日過從頻
再和一章呈元奉事
林信言
遙憶茫茫渤海濱
更歡此日接嘉賓

却驚筆力尤無敵已識鋒更有神
接席雄豪兼艷麗吟詩俊逸與清新
公餘半日醉高談千載壯遊佳無頻
疊和鳳谷
元重舉

文明日闢海東濱地久扶桑義馭賓
紅藥瑤峯丹入訣赤城霞氣錄留神
千家樹竹春雲淨萬戶樓臺霽景新
晏叔風流倚國會華筵不拘禮繫頻

贈進士金君

林信言

遙思韓國路無窮書記翩、意自雄
佳句麗章憐美景金聲玉振動清風
吟齊李氏百篇並才與曹生七步同
休謂渺茫滄海遠唱酬多少契相通
和林祭酒見贈韻
金仁謙
扶桑萬里片帆窮山到江州氣勢雄
鳳谷詞人無敵手羅山學士有遺風

東西每恨三洋隔
文墨還欣一榻同
乍接清芬詩膽瀉
相逢莫道語難通
再和一章呈金進士
林信言
相逢賓館興何窮
仰見高名書記雄
可愛英豪千古譽
堪矜賢達昔時風
驚神泣鬼誰應得
美景良辰相共同
傾蓋由來如故舊
論文此日道將通

疊和林祭酒

金仁謙

渡盡滄溟路欲窮
妙光寺外得詩雄
一床萍會迎新面
五世文衡見舊風
莫怪二邦冠服異
元知四海軌書同
感君喬梓未相問
筆下傳談意已通

東池每恨三秋隔
文墨遙傳萬里心
乍接清芬詩賦雅
相逢莫道語音疏
真如一幸三金
相送賓館無何
相送賓館無何
相送賓館無何
相送賓館無何
相送賓館無何
相送賓館無何
相送賓館無何
相送賓館無何
相送賓館無何
相送賓館無何

寄朝鮮國製述官秋月南君詩二

首 秘書監林信愛

客路春風落日遲 仙槎輕泛海之涯

錦帆影動扶桑水 玉笛聲傳楊柳詞

忽爾論交悲遠別 暫時分午促歸期

西人儻問東方事 月下樓臺含霧披

又 華館迎君對夕陽 賓筵高唱鹿鳴章

華館迎君對夕陽 賓筵高唱鹿鳴章

慎言何讓南宮
適掌史應同馬子長
到處驛前傳賦筆
歸時海上得仙方
殷勤更認新知樂
他可交情不可忘
奉和祕書林龍潭
南玉
倒屣樓頭起不遲
皇華良謙闕天涯
家聲久識青氈業
花氣交薰白雪詞
二百年來論世好
六千里外許風期
靈犀未信方音隔
滿紙琅玕入午披

又

寒食東風憶滌陽
禪樓花影照詞章
遙鵬倦翮滄溟濶
雛鳳奇毛翠竹長
劉氏傳經知史學
茅家奕世有丹方
角弓嘉樹前修義
歸日應難此席忘
再用前韻寄南君二首
林信愛
高館遲君到
遲只今春色遍天涯

求仙還笑秦皇使作賦都成楚客詞
來往臨風論季子逢迎當道訪安期
清談無恨斜陽盡一座新詩明月披
又
詞客風流滎水陽遙傳舊俗八條章
論交此處情偏厚分年何人夢更長
萬里鵬雲凌北海千秋鰈域問東方
喜君文史三冬業高誼終身豈可忘

疊和林秘書

萬里舟車歲月遲落梅時節到江涯
即看吳札論周樂多愧東僑潤鄭詞
鰈域名傳如舊識蓬洲路斷杳前期
新詩送出諧終讌痊得頭風一讀披
又

祇林雅集武州陽起賦芊蒿茅第二章
片月交情雲鶴迥三春別思塞鴻長

超宗制誥承前業惠遠樓臺接上方
記得杏花初綻日每年相憶莫相忘

寄察訪成君

林信愛

交誼百年尋異方登車萬里海天長
使星曉度蒼龍闕官柳春迎白玉堂
忽見錦袍承日色兼携彩筆掃風霜
皇華舊屬東遊客一座詩名誰雁行

奉和
林秘書

成大中

羅山文學冠東方詩禮家風西國長
晋宕更尋嘉樹傳劉歆早入秘書堂
丹山瑞羽長承旭白雪新聲動挾霜
剡識芹宮步講侶青衿八十與成行
再用前韻寄成君
林信愛
幸逢使節向東方祇花開筵興更長
羣客同懷和氏璧幾人共上李膺堂
偏飛作賦春前雪交映臨池筆下霜

不淺風流傾蓋意別來難寄字千行

疊和林秘書

賓錢鄉人會一方風流上席見弘長

少年蕩思登天閣奕世清啣在泮堂

白璧揚輝荆館夜青萍定價薛門霜

文章自有傳家妙退省奇才是文行

寄奉事元君

韓使柔槎至海方龍旗含日曙輝長

金函捧牘未臨闕玉馬拂鞭嘶躍塘

全禮樂渾觀周製度衣冠金是藻文章

百年會盟交情厚依舊善鄰見國祥

奉和林秘書

羅山文采彩世東方更有賢孫趾羨長

婉似朝雲凝澣渤清如春水影池塘

淇園正愛抽千竹丹穴將看刷五章

坐對雲笺揮彩筆珊瑚枝上曉烟祥

再用前韻寄元君
書記翩翩出大方
賓筵猶見曳裙長
春深前路花如雪
月明中庭瓊作塘
幾許毫端論舊識
一時席上報新章
俱逢千里同文日
稍覺昇平殊有祥
疊和林秘書
元重举

依、斜日下西方
清話何妨卜夜長
已許微風低入席
分留明月照方塘
東溟不盡騰珠貝
南國欣看蔚豫章
好是妙年持國史
池邊還有鳳毛祥
寄進士金君
林信愛

中原彥會競豪華
不覺高樓落日斜
簾捲風煙三島外
門臨雲樹十洲涯
賓筵笛帶携陳榻
名利投来擬郭車
况復陽春歌已就
朱絃幾拂海天霞
金奉和林秘書
金仁謙

金龍山外駐皇華
春暖禪樓燕子斜
隔却喜瓊瑤堆案上
可堪家國隔天涯
今朝花雨開詩墨
明日鯨波返使車
韓容東來何所得
滿囊收拾赤城霞
再用前韻寄金君
林信愛
誰識蓋簪擅國華
千篇滿案影初斜
殊方仙客情難竭
同學諸生興無涯
共見清遊耽翰墨
兼知博物有書車

詩懷更得江山助
氣象猶搖海表霞

疊和林秘書

金仁謙

江城日暖澹雲華
桃李初開弱柳斜
錦水龍山帶夢寐
詩書藥爐作生涯
憐吾衰病凋雙鬢
羨子文章富五車
謝氏鳳毛成六翮
一揮花筆起烟霞

金堂山外賦... 松本為美

奉呈製述官南君

松本為美

使者承恩入海東
翩旌旆度春風
相逢此日香臺裡
更識登高作賦雄

贈酬西湖記室

南玉

雅集春開析木東
菰蘆鄉裏盛儒風
言談已識胡門士
旗鼓詞壇又一雄

呈察訪成君

松本為美

翩彩筆映江臺
坐上新詩錦字開

意氣高名誰得似風流不讓子雲才

和西湖

成大中

梅花落處啟蓮臺數子詩聲一席開
海國菁莪無限茁菰蘆叢裏認奇才

呈奉事元君

松本為美

雞林大客此相逢經術詞寸共自雄
終日紺園携手處交情更識藻臣風

和西湖

元重奉

不是無心萍水逢林公門下幾豪雄
相看不語看華軸祇覺詞源溯國風

呈進士金君

松本為美

春風驛馬入東州羈思堪勞萬里遊
好是江城花裡寺清談終日賦高樓

和松本西湖

金仁謙

仙槎渺々下藏州扶木前頭辨壯遊
春晚江城梅欲老西湖處士訪禪樓

春呈朝鮮製述官南君久保泰亨
雲帆無恙度滄瀛裘馬青春入武城
不是朝陽鍾瑞氣何緣得聽鳳皇鳴
和忠齋
萬戶樓臺壓大瀛遂中梅蕊散江城
丹山樹裏無凡羽春和幽禽出谷鳴
呈書記成君
韓士文章不乏才遠隨使節海西來


長程如有携清興為許錦囊當席開
和忠齋
成大中

祭酒門屏足異才康成今逐馬融耒
禪樓半日揮松麈南國奇花筆下開
呈書記元君
久保泰亨
乾坤別闢大洋東自古仙槎一路通
聞說箕邦文獻足定知殷禮有流風
和忠齋
元重舉

華堂一席隔西東只許雲箋小軸通
朗詠清詞毫送語半庭梅樹澹微風
呈書記金君

一場翰墨暫追尋擬倩春風慰客心

世上謾稱西北美因君更欲問瓊琳



江都萬里遠相尋一榻論詩照兩心

鳳谷門人誰第一幕中草檄愧陳琳

